

國

朝

列

卿

紀

國朝列卿紀卷之一百十四

巡撫貴州兼督湖北川東提督軍務

貴州本西南夷羅施鬼國地元於此置八番順元等處軍民宣慰使司都元帥府 本朝洪武初以其地分隸湖廣四川雲南三布政司永樂十一年始置貴州等處承宣布政使司領守州宣慰使司及思州思南鎮遠石阡銅仁黎平六府後又設都勻府至隆慶三年又設貴陽府於首城普安永寧鎮寧安順四州并金筑安撫司置貴州都指揮使司領貴州貴州前普定新添平越龍里都勻畢節普安威清安南安莊清平平壩烏撒赤水永寧興隆一十八衛普市黃平二守禦千戶所置貴州等處提

刑按察司分貴寧思石都清三道兼察諸司府州衛所自正統四年命都御史丁璿出鎮事竣回院至十四年土苗叛亂命侍郎侯璉總督軍務鎮守其地景泰元年又命大理寺丞王詢巡撫始有專職成化八年裁革十一年復設正德二年逆瑾矯詔又裁革五年又復設嘉靖四十二年裁革川湖貴州總督定議貴州巡撫兼督湖北川東提督軍務然貴州官則流土相叅民則漢夷雜處如黎平寄治湖廣五開衛銅仁僻處萬山逼近苗穴程番與廣西接壤土酋仇殺思州石阡孤懸一隅勢可隱憂人謂貴州開省原爲雲南無貴州是無雲南也安內攘外可無久遠之圖耶今詳各官宦履於後其行實見於事紀其勲德茂

著者表爲列傳若奉勅有事茲土者並附見云

國朝列卿紀卷之一百十四

勅使貴州侍郎年表

吳榮

御史同都督蕭長計平苗酋  
人宣德六年以都

鄭辰

浙江西安人宣德十年以南  
京工部右侍郎考察藩臬

陳雍

浙江餘姚人正德十三年以工部  
右侍郎兼左僉都御史採木川貴

貴州巡撫尚書侍郎都御史年表

丁璿

應天上元人永樂甲申進士正統四  
年以右副都御史鎮撫五年回院

侯璉

山西澤州人進士正統十四年以兵部侍郎總督軍  
務征叛苗景泰元年以功陞兵部尚書仍任本年卒

王詢

湖廣公安人進士景泰元年以大  
理寺寺丞出撫詳國子監祭酒

王來

浙江慈谿人舉人景泰二年以右都御史總  
督貴州軍務三年還京詳南京工部尚書

新琳

浙江錢塘人宣德中以父曠蔭景泰四年以右副都御史任天順元年為怨仇構死

白圭

直隸南宮人進士天順元年以右副都御史應撫湖廣兼理貴州軍務詳兵部尚書

王儉

四川銅梁人進士成化元年以右僉都御史任三年回院詳都察院左僉都

汪浩

湖廣石首人進士成化三年以應撫四川右副都兼理詳四川巡撫

陳宜

江西泰和人進士成化四年以右副都御史任詳兵部右侍郎

程信

直隸休寧人進士成化五年以兵部尚書平山都掌蠻詳南京兵部尚書

秦敬

順天涿州人正統戊辰進士成化六年以右副都御史任八年閑住本年裁革十一年復設

朱欽

陝西乾州人進士成化十一年以右僉都御史任詳南京大理寺卿

陳儼

江西廬陵人進士成化十六年以右副都御史任詳南京刑部右侍郎

謝昶

湖廣黃岡人正統戊辰進士成化十九年以右副都任二十二年卒於官

孔鑄

直隸長洲人進士成化二十三年以右副都御史任詳工部右侍郎

鄧廷瓚

湖廣巴陵人進士弘治二年以右副都御史任丁憂五年起提督軍務六年以功進右都巡撫八年召還

張文昭

山東平山衛籍江西萍鄉人進士弘治四年以右僉都御史任丁憂詳都察院僉都

高崧

河南襄城人成化丙戌進士弘治四年以右僉都御史任六年卒於官

王軾

湖廣公安人進士弘治八年以右副都任十六年以南京戶部尚書兼副都討叛苗詳南京兵部尚書

張廉

浙江歸安人成化丙戌進士弘治十年以右副都御史任十一年劾免

錢鉞

浙江杭州前衛人天順甲申進士弘治十一年以右副都御史任十四年劾免

汪奎

直隸婺源人成化丙戌進士弘治十四年以右副都御史任十五年致仕

劉洪

湖廣鍾祥人進士弘治十五年以右僉都御史任詳南院右都

林元甫

福建莆田人進士弘治十六年以右副都御史任詳雲南巡撫

樊瑩

浙江常山人進士弘治十六年以南京刑部右侍郎兼僉都御史任巡視貴州雲南

洪鍾

浙江錢塘人進士弘治十七年以右副都御史任正德元年召督漕運詳刑部尚書

王質

山東濟寧人成化甲辰進士正德元年以右僉都御史任二年閑住

邵寶

直隸無錫人進士正德五年起左副都御史巡撫朱任道改戶部左侍郎詳南京禮部尚書

魏英

浙江慈谿人成化辛丑進士正德六年以右副都御史任七年致仕

楊茂元

浙江鄞縣人進士正德七年以右副都御史任詳刑部侍郎

沈林

直隸長洲人進士正德八年以右僉都御史任詳山東巡撫

陳天祥

直隸吳縣人進士正德八年以右副都御史任詳都察院副都御史

蕭獅

四川內江人進士正德九年以右副都御史任詳兩廣右都

曹祥

直隸歙縣人成化甲辰進士正德十年以右副都御史任十一年致仕



鄒文盛

湖廣公安人進士正德十一年以右副都御史任詳戶部尚書

湯沐

直隸江陰人進士正德十六年以右副都任詳大理寺卿

許庭光

河南河陰人進士嘉靖二年由巡撫四川右僉都調任

楊一漢

廣東南海人弘治己未進士嘉靖二年以右副都御史任詳南京大理寺卿

袁宗儒

直隸雄縣人正德戊辰進士嘉靖六年以右僉都御史任七年丁憂十年起撫鄖陽

葉相

直隸江都人弘治壬戌進士嘉靖七年以右副都任詳刑部左侍郎

劉士元

四川彭縣人正德辛未進士嘉靖十年以右僉都任十一年閑住

徐問

直隸武進人弘治壬戌進士嘉靖十一年以右副都任詳南京戶部尚書

戴書

湖廣崇陽人弘治壬戌進士嘉靖十三年以右副都任本年閑住

陳克宅

浙江餘姚人正德甲戌進士嘉靖十三年以右副都任十五年遷應天未任劾免

汪 珊 直隸貴池人正德辛未進士嘉靖十五年以巡撫湖廣右副都御史起任詳南京戶部右侍郎

張 鉞 江西安仁人正德戊辰進士嘉靖十七年以右副都御史任詳南京工部右侍郎

韓士英 四川南充人正德甲戌進士嘉靖十八年以右副都御史任詳戶部尚書

劉彭年 四川巴縣人正德甲戌進士嘉靖二十一年以右副都任二十三年閑住

劉 渠 湖廣鍾祥人正德辛巳進士嘉靖二十三年以雲南巡撫右僉都御史改任二十四年閑住

王學益 江西安福人嘉靖巳丑進士二十四年以右僉都御史任二十六年被逮詳南京工部尚書

李義壯 廣東南海人嘉靖癸未進士二十六年以右僉都御史任二十七年閑住

任 轍 四川巴縣人嘉靖丙戌進士二十六年以右副都御史任三十年養病乞休

劉大直 四川華陽人嘉靖乙未進士三十一年以右僉都御史任三十二年卒於官

張鶚翼 直隸上海人嘉靖辛丑進士三十二年以右僉都御史任三十五年閑住

高

种

湖廣安陸衛籍江西新淦人嘉靖丙戌進士

鮑道明

直隸歙縣人嘉靖戊戌進士三十九年

趙

鈺

直隸桐城人嘉靖甲辰進士四十年

吳惟嶽

浙江孝豐人嘉靖戊戌進士四十二年聽調

康

朗

福建惠安人嘉靖乙未進士四十四年

陳洪濛

浙江仁和人嘉靖辛丑進士四十四年

杜

拯

江西豐城人嘉靖戊戌進士

嚴

清

雲南後衛人嘉靖甲辰進士

趙

錦

浙江餘姚人嘉靖甲辰進士

王

諍

湖廣竹山籍浙江永嘉人嘉靖庚戌進士

阮文中

江西南昌人嘉靖癸丑進士  
隆慶四年以右僉都御史任

蔡文

福建南靖人嘉靖丁未進士  
隆慶六年以右副都御史任

羅瑤

湖廣巴陵人嘉靖庚戌進士萬曆  
二年由四川左布政陞右副都任

何起鳴

四川內江人嘉靖己未進士萬曆四年由南光祿  
寺卿陞右僉都任七年四月陞右副都巡撫山東

王緝

山西汾州衛籍嘉靖己未進士萬曆七年五  
月由太僕少卿陞右僉都任十年改撫南贛

劉庠

湖廣鍾祥人嘉靖己未進士萬曆十年三月由應  
天府尹陞右副都任十二年正月陞南兵部侍郎

舒應龍

廣西全州籍嘉靖壬戌進士萬曆十二年由太僕寺卿  
陞右副都任兼督湖北川東十四年陞南京大理寺卿

郭庭梧

河南新鄉人嘉靖乙丑進士萬曆十五年  
由大理寺左少卿陞右僉都任二月丁憂

蕭彥

直隸涇縣人隆慶辛未進士萬曆十五年由  
太常少卿陞右僉都任十六年改撫雲南

許子良

浙江仁和人隆慶戊辰進士萬曆十六年四月由  
大理寺右少卿陞右僉都任十七年改撫鄭陽

葉夢熊

廣東歸善人嘉靖乙丑進士萬曆十七年由山東右布政陞右僉都任十八年改撫陝西

彭富

雲南大理衛籍嘉靖壬戌進士萬曆十八年由四川左布政陞右僉都任

勅使貴州行實

鄭辰字文樞浙江西安縣人宣德十年以南京工部右侍郎考察貴州雲南四川藩臬大臣去不職者數人衆服其公正統三年遷兵部左侍郎詳兵部

陳璵字希冉浙江餘姚人正德十三年以工部右侍郎兼右僉都採木

貴州巡撫行實

丁濬字應天府上元縣人永樂甲申進士正統三年任都察院右僉都御史四年陞右副都御史鎮撫貴州五年回院詳都察院右副都御史

侯璉字廷玉山西澤州人永樂癸卯山西鄉試第一人宣德丁未取進士爲行人以善辭令而剛果能斷得名四川雲南廣西諸土官有爭地累年不決者朝廷以命璉至則按圖考志召諸耆老開誠布公智力貨賂不可移出是皆服而罷上以爲能交趾黎麟請命璉輔禮部侍郎章敞往錫封至其境關門低止璉先驅者當偃伏璉止之曰此中國所謂狗竇也於土人出入則宜今天命下臨不可由此度迂者驚懼爲撤關乃度由是蠻夷益謹禮不敢肆旣歸毫髮無所受人以此益賢之遷兵部主事虜寇阿台朵兒只伯犯邊與會川伯趙安尚書柴車等自梁州分兵出鐵門關攻敗之與有勞績以外艱歸居憂盡禮而

哀戚加焉服除陞郎中麓川思任發反 詔尚書王驍率師討

之璉在行往來督戰視將校用命不用命賞罰賊攻大侯州以  
偏帥往援令於衆曰吾視賊氣驕有輕我心宜掩其不備卽摩  
衆薄之呼聲動天地斬殺無算賊大潰我師益奮與叅將卞保  
等遂破石甸等十餘寨聞大將軍至麓川賊阻截不得通復與  
保等由高黎貢山晝夜兼程進與大將軍合搗其巢穴賊遂平  
凱旋陞禮部右侍郎賜白金五十兩鈔五十錠幣五表裏且  
賜諡命以寵之尋奉 勅出鎮雲南得便宜從事雲南餓乃發倉  
廩及募富民出粟以賑之全活甚衆會再討麓川餘璉引偏  
師由平崖南甸進破賊子思機發所居寨獲其妻孥輜畜捷聞



陞左侍郎賜白金七十兩鈔五十錠綵幣七表裏遷兵部左侍郎復鎮雲南等騰衝城置軍衛焉時議以賊子思機發在孟養復命靖遠伯王驥以兵往勦之璉與都督張軌分軍抵金沙江造船先濟奪賊地爲營於是大軍畢渡燬其柵而進賊奔孟養度不可支各鳥獸散去窮追至孟糯海子等處不可得乃班師諸夷酋長皆驚駭曰古漢人無渡金沙江者今大將軍至此真天威也南夷無復反矣還鎮雲南 景皇帝卽位遣使齎 勅嘉勞賜白金二十兩綵幣二表裏值貴州饑苗叛攻圍新添諸衛道梗弗通城中食盡命總督軍務往征之時普定圍急乃自雲南還善射者爲前鋒自將至普定度戰矢下如雨賊大敗圍

解遠超貴州副總兵都督田禮等以兵來會克龍里甕城羊腸  
楊老今溪諸路新添平越清平都勻諸圍俱解由興隆而下抵  
鎮遠皆平定事聞 上嘉其功陞兵部尚書又進克安莊克西  
堡長官司時暑雨方盛瘴癘大作璉得疾昇輿定醫弗效諸將  
聞疾惟戒以勿輕此賊合整兵進剿無貽患生民未嘗一語及  
私時年五十有三庚午八月十三日薨 上聞嗟悼遣官賜  
祭命歸其柩於澤州有司治墳以葬

王詢初名振湖廣荊州府公安縣人宣德庚戌進士任修撰正  
統十四年北虜犯順以有治才陞大理寺寺丞巡撫貴州恩威  
兼濟蠻夷畏服景泰二年陞春坊右庶子詳國子祭酒

王來字原之浙江寧波府慈谿縣人宣德丙午舉人正統十四年九月任右副都御史巡撫河南湖廣景泰元年陞右都御史兼大理寺卿總督湖廣貴州軍務征勦苗賊受命馳至湖廣沅州考圖定策分官軍爲五哨前進辰靖州等處至貴州重安江苗王韋同烈聚衆八萬據江拒敵大破之斬三千餘級蹈藉溺死甚衆韋同烈與僞師紀歌兒走香爐寨其山壁立千仞根盤三十餘里架楊橋飛樓以坐鎗火箭襄陽砲四圍擊之賊衆大窘生擒韋同烈等五十八人械送京師餘黨奔東西苗蠻悉撫定之土官安龍富等爭山來曉以共本同宗之義彼絕此繼之例勦逆撫順之旨各悔悟謝罪立平蠻恩信碑於清平通衢捷

奏 賜勅差主事獎諭旌以金帛回京 上召見慰諭勞陞

南京工部尚書詳南京工部尚書

蔣琳字

浙江杭州府錢塘縣人宣德中以父驥廕

正統十年任通政司右通政景泰四年陞巡撫貴州右

副都御史天順元年爲怨仇構死

白圭字宗玉直隸真定府南宮縣人正統壬戌進士景泰二年

任浙江布政使天順元年陞巡撫湖廣右副都御史兼理貴

州軍務時賊據險圭多爲疑兵分道進攻擒其酋斬之三年召

爲兵部右侍郎詳兵部尚書

王儉字

四川重慶府銅梁縣人正統己未進士天順七年

任巡撫湖廣左僉都御史成化元年改撫貴州二年回院詳都察院


汪浩字  
湖廣荊州府石首縣人景泰辛未進士成化三年以巡撫四川右副都御史兼理五年謫配

陳宜字公宜江西吉安府泰和縣人正統壬戌進士授工科給事中天順四年任雲南左布政使成化元年陞巡撫貴州右副都御史撫以至誠苗蠻感格負固不服者剿之屢著奇績詳兵部右侍郎

程信字彥實直隸河間衛籍休寧縣人正統壬戌進士累官兵部左侍郎成化丁亥四川貴州山都掌蠻據大壩山等之險被

合泣以上九縣 上用廷議進信兵部尚書提督軍務平之移  
瀘州衛於渡船舖以控諸蠻分裂都掌地隸永寧芒部易大壩  
爲太平川立長官以轄熟夷凱還進兼大理寺卿賜襲衣金幣  
詳南京兵部尚書

秦敬字  順天府涿州人正統戊辰進士成化六年以右副  
都御史任八年閑住

宋欽字  陝西西安府乾州人正統乙丑進士成化十一年  
以右僉都御史任十四年陞南京大理寺卿

陳儼字時莊江西吉安府廬陵縣人景泰甲戌進士成化十二  
年任山東左布政使十四年陞巡撫貴州右副都御史十八年

陞南京刑部右侍郎詳南京刑部侍郎

謝果字

湖廣黃州府黃岡縣人正統戊辰進士成化十九

年以右副都御史江二十二年卒於官

孔鏞字韶文直隸蘇州府長洲縣人景泰甲戌進士歷廣西左布政使成化二十三年陞巡撫貴州右副都御史貴州苗悍猾有名阿溪者善謀阿刺者善戰二人煽苗爲亂鏞先制其爲黨者率壯士掩擒之亂遂息弘治二年陞工部右侍郎詳工侍

鄧廷瓚字宗器湖廣岳州府巴陵縣人景泰甲戌進士弘治戊申任山東左布政使二年陞右副都御史巡撫貴州俄丁憂五年貴州黑苗益肆起巡撫兼提督軍務初至百計招撫不從

決策征勦生擒首惡二十餘人斬首六千寇既平上奏都勻清  
平所屬九長官司世祿驕縱稔惡無厭非大更張不能爲保境  
安邊之計條陳十一事下兵部會議悉行之始設都勻府一獮  
山麻哈州二清平縣一擇流官土官兼治下 詔褒美進右都  
御史八年召掌南院詳南院左都

張文昭字

山東平山衛籍江西萍鄉縣人天順甲申進士

歷河南按察使弘治四年陞巡撫貴州右僉都御史丁憂詳都  
察院右僉都

高崧字

河南開封府襄城縣人成化丙戌進士弘治四年

以右僉都御史任六年卒於官



王軾字用敬湖廣荊州府公安縣人天順甲申進士弘治八年任總理南京糧儲右副都御史本年改撫貴州九年陞大理寺卿十二年進南戶部尚書十四年以南京戶部尚書兼左副都提督軍務討叛苗詳南京兵部尚書

張廉字[ ]浙江湖州府歸安縣人成化丙戌進士弘治十年以右副都御史任十一年劾免

錢鉞字[ ]浙江杭州前衛人天順甲申進士弘治元年任巡撫山東右僉都御史三年改撫河南四年調南京光祿寺卿五年丁憂九年補太僕寺卿十一年八月陞巡撫貴州右副都御史十四年劾免

汪奎字直隸徽州府婺源縣人成化丙戌進士弘治十四年以右副都御史任十五年致仕

劉洪字希範湖廣承天府鍾祥縣人弘治十一年任廣東按察使十五年七月陞巡撫貴州右僉都御史時米魯餘黨普安阿方車等尚阻險拒命洪至首追劾先時守臣啓蒙之罪練兵檄宣慰使貴榮父子草薶而禽獮之又增築新興平夷所諸城定夷民姓氏黜官吏貪鄙凡利害事宜次第行之不愆遺力功上孝廟賜勅褒獎謂劉大夏曰劉某會幹事益以大夏所薦也十七年改撫四川詳南院右都

林元甫字

福建興化府莆田縣人成化乙未進士歷陝西


左布政使巡撫四川右副都御史弘治十七年改撫貴州詳雲南巡撫

樊瑩字廷璧浙江衢州府常山縣人天順甲申進士弘治十六年以南京刑部右侍郎巡視雲南貴州至則單車屏從躬訪利弊巖阻瘴癘一一履行奏劾鎮守巡撫罪狀黜不職文武吏數百員詳南京刑部尚書

洪鍾字宣之浙江錢塘縣人成化乙未進士弘治十一年任巡撫順天右副都御史十七年改雲南未任旋改貴州詳都察院王質字懷來衛籍山東濟寧州人成化甲辰進士弘治十一年任吏科都給事中十三年任太僕寺少卿十八年陞太僕寺

卿本年改光祿寺卿正德元年陞巡撫貴州右僉都御史二年  
閑住

邵寶字國賢直隸常州府無錫縣人成化甲辰進士正德四年  
任總督漕運左副都御史逆瑾銜之令致仕瑾誅起巡撫貴州  
未任改戶部左侍郎詳南京禮部尚書

魏英字  浙江寧波府慈谿縣人成化辛丑進士正德六年  
以右副都御史任七年致仕

楊茂元字志仁浙江寧波府鄞縣人成化乙未進士正德五年  
任雲南左布政使七年陞巡撫貴州右僉都御史兼制四川西  
陽湖廣湖北諸道以討寧子坪五寨平頭烏雞等苗賊改南院

右副都御史已得咨元以爲兵糧已集若需交承寇有備矣乃駐扎中界遣將發兵不一月寇悉奔潰其年冬始抵貴州治益鎮靜安集詳刑部侍郎

沈林字材美直隸蘇州府長洲縣人成化辛丑進士正德五年任廣西左布政使八年進右副都御史巡撫貴州時鎮守銅仁烏羅等苗屢出劫掠林謂不一而足滋蔓難圖率將士深入諸寨皆附惟天生崖恃險攻之門戶盡失定下人莫敢近公絕其餉道火箭飛礮繼之賊窘竄得其衆千牛馬器械無算內境晏然癸酉以外艱歸詳山東巡撫

陳天祥字元吉直隸蘇州府吳江縣人弘治丙辰進士任天津

兵備正德六年任都察院左僉都御史仍理天津兵備事八年命巡撫貴州兼理軍務時諸苗構亂調兵分勦遂破諸寨擒斬六千名級俘獲不可勝計孽苗聽撫疆土底寧捷聞降勅獎勵賜金幣甲戌召理院事詳都察院


蕭翀字凌漢四川成都府內江縣人成化辛丑進士正德六年任巡撫保定右副都御史七年下獄爲民九年起撫貴州十年改撫河南詳兩廣右都

曹祥字直隸徽州府歙縣人成化甲辰進士正德十年以右副都御史任十一年致仕

鄒文盛字時鳴湖廣荊州府公安縣人弘治癸丑進士正德九

年任雲南左布政使十一年陞右副都御史巡撫貴州十四年  
改南院兼督江防詳戶部尚書

湯沐字新之直隸常州府江陰縣人弘治丙辰進士正德十二  
年任廣東左布政使十六年陞右副都御史巡撫貴州嘉靖元  
年沐上議一預制土官令土官各上其世系及嗣子狀於部以  
便查考襲替一作養世祿令土官應襲年未及三十者得入學  
習禮族屬子弟願入學者聽以大變其俗一清查軍伍以五年  
爲率指揮以下計在逃多寡爲罰都司叅問清軍御史不但清  
勾亦兼理缺乏令所在有司各開報解發收伍名籍於三司三  
司呈院彼此叅證兵部覆議俱從之詳大理寺卿

許庭光字  河南開封府河陰縣人弘治己未進士授兵部  
職方司主事十六年丁憂接喪正德四年補武庫司本年改光  
祿寺丞九年陞江西副使十二年陞應天府丞十四年陞都察  
院右僉都御史巡視浙江兼管南直隸徽州一帶十六年改總  
督漕運未任本年以右僉都御史巡撫四川地方嘉靖二年被  
劾改撫貴州



卷之三

三

丁

1684

國朝列朝文之一

國朝列卿紀卷之一百十五

巡撫雲南贊理軍務序

雲南古梁州之南境爲徼外夷地漢置益州郡領

史自唐至宋爲蒙氏段氏所據元置雲南諸路行中書省及肅政廉訪司於中慶又置曲靖等路宣慰司於曲靖臨安等處宣慰司於臨安大理金齒等處宣慰司都元帥府於金齒 本朝改置雲南等處承宣布政使司領雲南大理臨安楚雄澂江廣西廣南鎮沅蒙化景東永寧順寧一十二府曲靖姚安鶴慶武定尋甸麗江元江七軍民府北勝一州者樂甸馬龍他郎甸二長官司馬龍後改爲新化州禦夷孟定孟良二府孟養軍民指

揮使司車里木邦老撾緬甸大吉刺八百大甸麓川平緬底馬  
撒等宣慰使司干崖南甸隴川三宣撫司鎮康灣甸大德威遠  
四州芒市鈕兀孟連茶山麻里長官司置雲南都指揮使司領  
雲南左雲南右雲南中雲南前雲南後廣南大理臨安曲靖景  
東楚雄洱海平夷越州蒙化陸涼大羅永昌一十八衛金齒瀾  
滄騰衝三軍民指揮使司而金齒至嘉靖中改爲永昌府宜良  
易門安寧馬龍姚安楊林堡木密關砦守禦千戶所並雲南等  
處提刑按察司分普安臨元金滄洱海四道兼察諸府州衛所  
自正統九年地方不靖命侍郎楊寧叅贊軍務未有巡撫之寄  
十年始命侍郎侯璉鎮撫至天順元年裁革成化十二年因大

學士商輅建言復設遵守至今然雲南遠在西南漢夷雜沓無  
事則徃於偏安有事則互爲桀驁加以元江景東麗江姚江北  
勝鄧川霑益諸夷其情叵測欲安輯元元永奠南陲不在於恩  
威兼濟沉機默化也哉今詳各官宦履於後其行實見於事紀  
其勲德茂著者表爲列傳若奉勅有事滇南者另附於首云

國朝列卿紀卷之一百十五

勅使雲南尚書侍郎都御史年表

鄭

辰

浙江西安人宣德十年以南京工部右侍郎考察藩憲大臣詳兵部侍郎

王

驥

直隸東鹿人正統六年提督軍務討麓川思任發七年回京以功封靖遠伯本年再往十三年又出征思機發十四

年回京詳

兵部尚書

程

富

直隸歙縣人正統七年以都察院右僉都御史督征麓川餉道八年轉左詳都察院副都

焦

宏

河南葉縣人正統十四年以戶部右侍郎主餽運

姚

夔

浙江桐廬人景泰三年以南京禮部右侍郎考察雲南官吏詳吏部尚書

伍

文定

湖廣松滋人嘉靖七年以兵部尚書提督雲南川湖等處軍務

胡

璉

直隸沐陽人嘉靖十六年以戶部右侍郎兼僉都督雲南貴州糧餉

毛伯溫

江西南城人弘治進士嘉靖十八年以兵部尚書兼右都叅贊兩廣雲南軍務

徐

巡撫雲南侍郎都御史年表

楊

直隸藁縣人進士正統九年以刑部在侍郎叅贊軍務詳南京刑部尚書

侯璉

山西澤州人進士正統十一年以禮部侍郎鎮撫在四年總督貴州軍務加兵部尚書詳貴州巡撫

鄭

直隸錢塘人宣德邑西鄉舉景泰三年以右倉部御史任天順元年請福建副使卒於官

王恕

陝西三原人進士成化十二年以右都御史任詳吏部尚書

吳誠

浙江錢塘人景泰辛未進士成化十四年以右副都御史任十九年卒於官

程宗

直隸常熟人進士成化十九年以右副都御史任詳南京工部尚書

章律

直隸常熟人景泰甲戌進士成化二十年以右副都御史任弘治元年致仕

楊繼宗

山西陽城人天順丁丑進士弘治元年推左倉部御史未任卒於官

王詔 直隸趙州人進士弘治元年以右

張誥 直隸華亭人成化丙戌進士弘治五  
年以右副都御史任十一年劾免

李士實 江西豐城人進士弘治十一年以  
右副都御史任詳都察院右都

陳金 湖廣應城人弘治十三年以  
右副都任詳都察院左都

樊瑩 浙江常山人進士弘治十六年以南京  
刑部右侍郎兼會都巡視雲南貴州

洪鍾 浙江錢塘人進士弘治十七年推右副都  
御史未任本年改撫貴州詳都察院左都

林元甫 福建莆田人成化乙未進士弘治十  
八年以右副都御史任本年致仕

吳文度 應天江寧人進士弘治十八年以  
右副都御史任詳南京戶部尚書

顧原 直隸長洲人成化辛丑進士正德  
四年以右副都御史任六年致仕

洪遠 直隸欽縣人進士正德七年以右  
副都御史任詳南京工部尚書

王懋

陝西安福人進士正德九年以右副都御史任詳南院右都

范鏞

陝西鞏昌人弘治癸丑進士正德十年以右副都御史任十三年致仕

何孟春

湖南郴州人進士正德十三年以右副都御史任詳吏部南京工部左侍郎

王啓

浙江黃巖人進士正德十六年以右副都御史任詳刑部侍郎

黃策

廣東南海人弘治丙辰進士嘉靖三年以右副都御史任詳刑部侍郎

劉文莊

陝西華陰人進士嘉靖三年以右副都御史任詳都察院副都

吳祺

江西豐城人弘治壬戌進士嘉靖四年以右副都御史任本年卒於官

傅習

江西進賢人弘治丙辰進士嘉靖四年以右副都御史任六年職滿復起南京大理寺卿未任

歐陽重

江西廬陵人正德戊辰進士嘉靖七年以右僉都御史任八年致仕

顧應祥

浙江長興人進士嘉靖九年以右副都御史任十年聽勘詳刑部尚書



胡訓

江西南昌人進士嘉靖十年以右副都御史任詳南京兵部尚書

汪文盛

湖廣崇陽人進士嘉靖十五年以右僉都御史任詳大理寺卿

劉渠

湖廣鍾祥人正德辛巳進士嘉靖二十四年以右僉都御史任二十四年開仕

陳明清

福建閩縣人正德丁丑進士嘉靖二十四年以右副都御史任二十五年開仕

應大猷

浙江仙居人進士嘉靖二十五年以右僉都御史任詳刑部尚書

吳章

廣東南海人正德辛巳進士嘉靖二十六年以右副都御史任二十七年致仕

顧應祥

見前嘉靖二十七年以右副都御史再任

韓楷

湖廣江夏人正德辛巳進士嘉靖二十八年推右副都御史未任効免

胡奎

江西峽江人正德辛巳進士嘉靖二十八年以右副都御史任三十九年開仕

石簡

浙江寧海人嘉靖癸未進士二十九年以右副都御史任三十年開仕

鮑象賢

直隸欽縣人嘉靖己丑進士三十年以右副都御史任詳兵部左侍郎

孫世祐

江西豐城人嘉靖己丑進士三十二年以右副都御史任詳刑部侍郎

周采

湖廣寧鄉人嘉靖壬辰進士三十四年以右副都御史任本年卒於官

郝惟嶽

四川叙南人嘉靖己丑進士三十四年以右副都御史任三十五年開仕

陳錠

湖廣江陵人嘉靖己丑進士三十五年以都察院右副都御史任三十六年降巡撫應天右僉都御史

王曷

山東章丘人嘉靖癸未進士三十六年以右副都御史任三十七年陞南京工部右侍郎

游居敬

福建南平人嘉靖壬辰進士三十七年以右副都御史任三十九年陞南京戶部右侍郎未任請成

蔣宗魯

貴州普安衛人嘉靖戊戌進士三十九年以右僉都御史任四十一年開仕

曹汴

湖廣江陵人嘉靖辛丑進士四十二年以右副都御史任四十二年開仕

敖宗慶

江西新喻人貴州思南籍嘉靖戊戌進士四十二年以右副都御史任本年開仕

呂光洵

浙江新昌人嘉靖壬辰進士四年以都察院右都御史任四十四年以軍功陞兵部尚書兼都察院左副都御史仍舊巡撫隆慶元年改南京工部尚書

陳大賓

湖廣江陵人嘉靖甲辰進士隆慶元年以右副都御史任

曹三賜

直隸宜興人嘉靖甲辰進士隆慶四年以右副都御史任

鄒應龍

陝西長安人嘉靖丙辰進士隆慶五年以兵部左侍郎兼右僉都任萬曆三年致仕

王凝

湖廣宜城人嘉靖丙辰進士萬曆三年由太常寺卿陞右副都任六年改南京大理寺卿

饒仁侃

湖廣崇陽人嘉靖壬戌進士萬曆六年十月由南京太僕寺卿陞右僉都任九年二月降外任十一年致仕

劉世曾

四川重慶府巴縣人嘉靖壬戌進士萬曆九年由太僕寺少卿陞右僉都任十二年加右都御史兼兵部右侍郎俱

照舊巡撫十

六年閑住

蕭彥

直隸涇縣人隆慶辛未進士萬曆十六年由右僉都巡撫貴州改任十七年復改撫鄖陽

吳定河南安陽人萬曆甲戌進士十七年由大理左少卿陞右僉都任

勅使雲南行實

鄭辰字文樞浙江西安縣人宣德十年以南京工部右侍郎考察藩臬大臣人服其公正統三年遷兵部左侍郎詳兵部

王驥字尚德直隸東鹿人正統六年以兵部尚書征麓川思任發盎平其巢捷聞召還封靖遠伯未幾思任發竄入緬甸謀復叛上曰勞卿再一行復總諸軍進討賊潰首惡又遁去班師加祿三百石十三年麓川遺孽思機發思卜發復據孟養以叛復命總督諸軍往討二孽死於亂兵南服遂寧詳兵部

程富字好禮直隸歙縣人正統七年任都察院右僉都御史時雲南連年征討麓川邊儲不給命往區畫餉道崎嶇負戴者

難之富謀於上下從違臧否途董簿校羣聚樂趨糧芻羨民  
不告勞士無饑色大功用集八年就軍中陞左僉都御史九年  
事竣還京陞右副都御史賜白金八十兩紵絲八表裏鈔八  
千緡詳都察院

焦宏字克明河南葉縣人正統十四年以思機發假息孟養命  
征之以宏主餽運奉命謹甚冒瘴癘以進軍不乏食病困猶力  
疾終事回師至家加劇具奏復命詳戶部

姚夔字大章浙江桐廬人景泰三年以南京禮部右侍郎考察  
雲南官吏黜陟允當還朝遂留禮部詳吏部尚書

伍文定字湖廣松滋縣人嘉靖七年以兵部尚書提督雲

南川湖等處軍務

巡撫雲南行實

楊寧字彥謚直隸歙縣人宣德庚戌進士授刑部主事獻獄明  
恕蔚有時名正統己未麓川思任發反朝廷命將征之簡寧  
隨征師次麓川境賊遣人約降主將欲許之衆莫不喜悅乃獨  
進曰不可固請不已衆謂其迂不旬月賊衆奄至士卒多陷比  
還京將兵者卒以失機被譴寧獨被褒賞特陞郎中歲辛酉大  
舉伐麓川總督尚書王驥仍以寧行師入境王公指授進取方  
略以寧督戰乃渡江攻上江賊砦克之又進攻杉木籠山賊柵  
險拒守寧曰當多方以誤之使不暇併力王公用其言令諸將

並進連破七寨斬陶孟靠等遂乘勢擣賊巢乘風舉火煙燄漲  
天賊死鋒鏑及墮厓溺水不計其數師還 英宗親宴勞於奉  
天門賜白金楮幣拜刑部右侍郎壬戌丁母憂甲子奉命叅贊  
雲南軍務至則練兵伍督屯耕興利去害不以勢撓而於懷遠  
人獨盡心焉先是有頭目恭項者嘗効力隨征具奏請置隴川  
宣撫司以恭項爲宣撫用旌其義民皆悅服有言騰衝險要宜  
城之以控制蠻夷者 上命往城或謂寧曰其地險惡多瘴非  
時冒之輒死盍徐圖之寧曰我知奉命而已遑卹其他卽往相  
地度工計財費勉將士使効力越四旬有五且畢工因建學舍  
選生徒訓令務學以變夷風自爲文刻石紀其事人敬服焉先



是麓川賊首逃於緬至是以城完民且效順謀所以致賊計乃  
簡銳師若將有向者先遣人奉詞責緬緬人懼哀求出賊自効  
卒誅大憝酋其首以獻自是朝廷無南顧之憂丙寅侍郎侯璉  
代還朝歷南京刑部尚書詳南京刑部

侯璉字廷玉山西澤州人宣德丁未進士正統十年以禮部侍  
郎鎮撫復以功進兵部左侍郎十四年總督貴州軍務加兵部  
尚書詳兵部與貴州巡撫

鄭顥字

浙江杭州府錢塘縣人宣德己酉舉人授樂安教

諭正統

年擢

道監察御史

年陞雲南副使十四

年陞大理寺少卿巡撫雲南地方景泰三年陞都察院右僉都

御史仍舊巡撫天順元年謫福建副使卒於官

王恕字宗貫陝西西安府三原縣人正統戊辰進士成化九年  
歷南京戶部左侍郎會雲南夷獠爲梗十二年改都察院左副  
都御史巡撫其地時鎮守內臣私市外夷誅求無厭人莫敢問  
恕劾之其下郭英懼而自盡沒其寶石於官并械送其下數人  
於京且勸上不寶異物凡花木禽獸寶玩宜一切拒絕有駕  
帖下郎中鍾蕃所恕言舊例駕帖下諸司司禮監印刑科號  
皇門諸司關防今皆無之何以爲信設駕帖有賜死者其人  
將何如死之恐孤臣節不死違君命又言昔交趾鎮守非人  
致一方陷沒騰衝啓爨致麓賊叛逆今日之事殆有甚焉在雲

南九閏月疏二十上由是直聲動天下進右都御史任十三年  
改南院歷吏部尚書詳吏部

吳誠字

浙江杭州府錢塘縣人景泰辛未進士授兵部武

庫司主事丁父憂五年服闋補吏部考功司天順元年改工部  
虞衡司主事四年陞本司郎中成化二年陞四川右叅政六年  
丁母憂九年補貴州左叅政十年陞湖廣右布政使十四年轉  
左十五年陞右副都御史巡撫湖廣十六年改撫雲南地方十  
九年卒於官

程宗字源伊直隸蘇州府常熟縣人景泰辛未進士成化十八  
年以都察院右副都御史往諭木邦酋長等乞法孟養思六與

孟密曩罕弄等皆頓首服十九年以原官任二十二年陞刑部右侍郎歷南京工部尚書詳南京工部

章律字

直隸蘇州府常熟縣人景泰甲戌進士授刑部主

事歷員外郎郎中陞保定知府累官福建左布政使二十年陞南京都察院右副都御史二十二年巡撫雲南地方弘治元年致仕

楊繼宗字承芳山西澤州陽城縣人天順丁丑進士授刑部貴州司主事八年陞嘉興府知府成化元年丁憂五年服闋仍補嘉興府十年陞浙江按察使十七年丁母憂二十年起陞都察院左僉都御史巡撫順天永平整飭薊州邊備二十一年上疏

諫諍謫雲南副使弘治元年復左僉都御史巡撫雲南未任卒  
於官詳順天巡撫

王詔字文振直隸真定府趙州人天順甲申進士弘治元年以  
都察院右副都御史任飭守禦嚴斥埃以招集孟密功荷褒諭  
奉詔錄囚平反甚衆奏祠謚尚書吳雲四年遷南京兵部右侍  
郎詳南京兵部

張誥字

直隸松江府華亭縣人成化丙戌進士歷

弘治五年陞都察院右副都御史巡撫雲南十一  
年劾免

李士實字若虛江西豐城縣人成化丙戌進士歷山東左布政

使弘治十一年以都察院右副都御史任十三年陞刑部右侍郎歷右都御史詳都察院

陳金字汝礪湖廣德安府應城縣人成化壬辰進士授婺源知縣擢山西道御史弘治元年補江西道四年陞山西副使九年陞貴州按察使調雲南十一年陞雲南左布政使十三年以都察院右副都御史任十七年陞南京戶部右侍郎歷太子太保左都御史詳都察院

樊瑩字廷璧浙江衢州府常山縣人天順甲申進士弘治十六年以南京刑部右侍郎兼僉都御史巡視雲南貴州修城池勵兵馬賑貧窮撫流散威惠大行土官仇殺攻城有司不能制以

白瑩瑩曰吾在賊敢爾耶聲聞卽歛兵退詳南京刑部尚書

洪鍾字宣之浙江杭州府錢塘縣人成化乙未進士弘治十七年以都察院右副都御史未任本年改撫貴州歷刑部尚書兼左都御史詳都察院

林元甫字

福建興化府莆田縣人成化乙未進士擢工科

給事中

年丁憂

年服闋補南京禮科以丁憂未任弘治二

年仍署本科三年陞都給事中六年陞山東左叅政十一年陞

雲南右布政使未浹旬轉陝西左布政使十五年陞都察院右

副都御史巡撫四川十七年改撫貴州十八年改撫雲南地方

本年致仕

吳文度字憲之應天府江寧縣人成化壬辰進士弘治十八年以都察院右副都御史任屬夷酋阿本負險稱亂文度至撫先文告猶弗率乃進師親臨行陣擒其渠魁地方大定夷民納貢賦如中上捷聞天子降勅獎諭錫予甚厚正德三年陞戶部右侍郎歷南京戶部尚書詳南京戶部

顧源字

直隸蘇州府長洲縣人成化辛丑進士

正德四年陞都察院右副都御史巡撫雲南六年

致仕

洪遠字克毅直隸徽州府歙縣人成化戊戌進士正德六年任陝西左布政使所至有聲七年以都察院右副都御史任黜貪



獎廉十八寨夷人舊不時入寇至皆服降境有銀礦開則攘奪並起禁秘之鎮守中貴誅求太甚數抑之九年陞南京大理寺卿歷南京工部尚書詳南京工部

王懋中字與時江西吉安府安福縣人成化甲辰進士正德八年任浙江左布政使九年以都察院右副都御史任操履清介方正不避權貴奏免場課數事忤權貴十一年致仕歷起南院右都御史詳南京都察院

范鏞字鏞陝西鞏昌衛人弘治癸丑進士正德十一年任南京都察院右僉都御史十二年陞右副都御史巡撫雲南十三年致仕卒諡恭惠

何孟春字

湖廣郴州人弘治癸丑進士正德九年由河南

左叅政陞太僕寺少卿十三年陞太僕寺卿本年陞都察院右副都御史巡撫雲南十六年遷南京兵部右侍郎歷吏部南京工部左侍郎詳南京工部

王啓字景昭浙江台州府黃巖縣人成化丁未進士正德十六年以右副都御史任綏撫有方人賴以安詳刑部右侍郎

黃衷字

廣東廣州府南海縣人弘治丙辰進士嘉靖二年

任雲南左布政三年以都察院右副都御史任四年改撫湖廣歷工部右侍郎詳勅使四川

劉文莊字

陝西西安府華陰縣人弘治己未進士嘉靖三

年以都察院右副都御史推未任改河南四年改理院事詳都察院

吳祺字貴德江西南昌府豐城縣人弘治壬戌進士授崑山知縣正德二年擢雲南道監察御史八年陞大理寺右寺丞十年轉左寺丞十二年陞大理寺右少卿十四年轉左本年丁憂嘉靖二年起陞太僕寺卿四年陞都察院右副都御史巡撫雲南本年卒於官

傅習字江西南昌府進賢縣人弘治丙辰進士嘉靖四年以都察院右副都御史任六年聽調復起南京大理寺卿詳南京大理寺

歐陽重字弘夫江西吉安府廬陵縣人正德戊辰進士十六年  
陞四川提學副使嘉靖元年丁憂四年補雲南提學副使六年  
陞福建按察使未任本年陞都察院右僉都御史巡撫應天未  
任改撫雲南八年以覈衛軍冒伍饗餉致衆譁致仕

顧應祥字 浙江湖州府長興縣人弘治乙丑進士嘉靖九  
年以右副都御史任十年聽勘二十七年以原官再任二十八  
年陞南京兵部右侍郎轉刑部尚書

胡訓字 江西南昌府南昌縣人弘治壬戌進士嘉靖十年  
以都察院右副都御史任十六年陞南京工部右侍郎累官南  
京兵部尚書太子少保詳南京兵部

汪文盛字  
湖廣武昌府崇陽縣人正德辛未進士嘉靖十  
四年任雲南按察使十五年以都察院右僉都御史任二十年  
召爲大理寺卿詳大理寺

劉渠字清甫湖廣承天府鍾祥縣人正德辛巳進士任工部郎  
中嘉靖十六年陞太僕寺少卿二十年陞都察院右僉都御史  
巡撫雲南地方二十三年改撫貴州二十四年閑住

陳則清字  
福建福州府閩縣人正德丁丑進士嘉靖二十  
四年任都察院右副都御史巡撫雲南地方二十五年閑住

應大猷字  
浙江台州府仙居縣人正德甲戌進士嘉靖二  
年歷吏部文選司主事歷考功員外郎改稽勳司郎中五年養

病家居十二年起江西右叅政二十五年以都察院右僉都御史任二十六年遷撫四川累官吏部右侍郎刑部尚書詳刑部

吳章字成南廣東麗州府南海縣人正德辛巳進士嘉靖

陞雲南左布政使二十五年陞太僕寺卿

二十六年陞都察院右副都御史巡撫雲南二十七年致仕

韓楷字以正湖廣武昌府江夏縣人正德辛巳進士嘉靖二十八年任都察院右副都御史巡撫雲南未任劾免

胡奎字應文江西臨江府峽江縣人正德辛巳進士授金華府

推官嘉靖二年丁憂三年補府推官十三年陞光祿寺丞

十年陞光祿寺少卿二十二年陞南京太僕寺少卿二十四

年改太僕寺少卿二十五年陞順天府尹二十八年陞都察院右副都御史巡撫雲南地方二十九年閑住

石簡字席伯浙江台州府寧海縣人嘉靖癸未進士嘉靖二十一年任貴州左布政使二十四年養病二十八年起山東左布政使二十九年陞都察院右副都御史巡撫雲南地方三十年閑住

鮑象賢字復之直隸徽州府歙縣人嘉靖己丑進士三十年以都察院右副都御史任三十二年遷總督兩廣軍務

孫世祐字元吉江西南昌府豐城縣人嘉靖己丑進士二十九年陞應天巡撫丁憂未任三十二年以都察院右副都御史任

三十四年遷南京工部右侍郎

國朝列卿紀卷之一百十三終



國朝列卿紀卷之一百十六

總督薊遼保定軍務序

薊遼保定俱古幽州之地四塞險固連接邊隘東北一都會入國朝以來環列衛所屯重兵戍守先年有警間遣重臣巡視事寧則止自嘉靖二十九年北虜犯順逼京城震驚九重所過順永諸州縣俱蹂躪殘破如蹈無人之境莫敢發一兵以當其鋒者於是廷議設總督軍務大臣一員控制薊遼保定等處地方凡以扼要荒飭將權示紀綱便聲援也第封疆延袤千餘里黠虜出没如迅風不可的測至三十八年四十二年猶犯內地而連年調延綏等鎮精兵入衛虎彼實此豈無計利制勝可爲

萬萬年評議者耶今詳各官宦歷於後其行實見於事紀其勲  
德茂著者表爲列傳若奉勅有事畿輔者另附於前

國朝列卿紀卷之一百十六

勅使畿輔侍郎都御史年表

郭敦

山東東昌府棠邑縣人永樂十九年以禮部右侍郎巡撫畿甸考察軍民本年事竣還部詳戶部

何文淵

江西建昌府廣昌縣人正統五年以刑部右侍郎經理畿甸荒政六年致仕歷吏部尚書

魏驥

浙江蕭山縣人正統七年以吏部右侍郎出撫捕蝗民始安生本年事竣還部詳南京吏部尚書

薛希璉

浙江麗水人正統八年以刑部侍郎捕蝗

虞祥

直隸崑山人正統九年奉勅巡畿甸荒政措置有方

李奎

江西廣信府弋陽人正統十年以大理寺右少卿差視畿內安撫畿民本年事竣還寺詳大理寺

張楷

浙江寧波府慈谿縣人正統十二年歲內蝗災以都察院右僉都御史捕蝗本年回院詳南都察院

王竑

陝西河州衛人正統十四年以左台御史出鎮居庸本年回院應兵部尚書

王 暹

浙江山陰縣人正統十四年以右副都御史安撫順天等府及鎮守山陵事年回院巡撫河間右都御史

羅 通

江西吉水縣人正統十四年土木之變以都察院右副都御史鎮守居庸關尋轉總巡遼陽累官左都

陳 詢

直隸華亭縣人景泰二年以大理寺左少卿巡視北直隸三年改太常寺少卿兼學士終國子祭酒

周 瑄

山西陽曲人景泰五年以刑部右侍郎賑濟順天河間

鄒 幹

浙江餘杭人成化二年以禮部左侍郎撫安畿內許便宜行事詳禮部

項 忠

浙江嘉善人成化六年以右都御史巡視順天河間二年詳兵部

葉 盛

直隸蘇州府崑山縣人成化六年畿內夏旱秋澇人民流離以吏部右侍郎出巡詳吏部

原 傑

山西陽曲人成化七年增餉大水以戶部左侍郎出巡順天真定等處賑濟流離累官南京兵部尚書

李 衍

直隸隆慶州人成化十六年以戶部右侍郎巡視山海遼關整飭兵備

何喬新

江西建昌府廣昌縣人成化十九年以刑部左侍郎巡邊詳刑部尚書

叢

蘭

山東文登人弘治十五年以通政司左參議經理紫荆等關

李

鏐

河南陽陰人弘治十七年整飭邊務

馬中錫

直隸故城人弘治八年以大理寺左少卿閱東邊關正德六年以右都御史討流賊

釋杲

山東蓬萊人正德四年以御史督捕羣盜陞大理寺丞進右僉都

王瓊

山西太原人正德六年以戶部右侍郎兼金都御史陞北監山東地方累官吏部尚書

石玠

直隸藁城人正德八年以兵部左侍郎諭撫諸夷詳戶部尚書

趙璜

江西安福人正德十一年以工部右侍郎兼僉都御史整飭順天等府十二年還工部詳工部尚書

李瓚

山東東昌府濮州人正德十四年以左副都御史經略居庸山海二路邊關十六年改工部右侍郎總理河道

胡守中

河南寧陵人嘉靖二十年以兵部右侍郎兼僉都御史經略居庸等關邊關本年下獄詳都察院

許宗魯

陝西寧人嘉靖二十九年以都察院右僉都御史鎮守昌平詳遼東巡撫

季遂

江西南昌府豐城縣人嘉靖二十九年以都察院右僉都御史整頓軍餉本年為民詳南兵部尚書

張濂

浙江仁和人嘉靖戊辰進士二十九年出磨黃通政陞右僉都御史提督直隸屯田三十年總調

於敖

陝西岷州衛人正德辛巳進士嘉靖三十年以右僉都御史鎮守昌平三十一年改撫大同未任

周琬

湖廣應城人嘉靖三十一年以右僉都御史鎮守昌平三十二年劾免詳南直總督侍郎

王輪

山西蒲州人嘉靖三十二年以右僉都御史鎮守昌平本年省革詳順天巡撫

### 薊遼總督年表

嘉靖二十九年始設

何棟

陝西長安人進士嘉靖二十九年以兵部右侍郎總督薊遼軍務三十一年加右都仍任次年開任

楊博

山西蒲州人嘉靖巳丑進士三十二年以兵部右侍郎兼僉都御史任

王忬

直隸太倉人進士嘉靖三十四年以兵部左侍郎兼僉都任三十五年以功加右都仍任三十八年與

楊

博

見前嘉靖三十八年  
以兵部尚書再任

許

論

河南靈寶人嘉靖十四年以進士三十八年  
以兵部尚書起任四十年回籍聽勘

楊

選

山東章丘人嘉靖甲辰進士四十年以兵部  
右侍郎兼僉都御史任四十二年逮繫典刑

劉

燾

直隸天津衛人嘉靖戊戌進士四十二年以兵部右  
侍郎兼僉都御史任四十五年加右都仍任詳兩廣總督

曹邦輔

山東定陶人嘉靖甲辰進士隆慶元  
年以兵部右侍郎兼僉都御史任

譚

綸

江西宜黃人嘉靖甲辰進士隆慶二年以兵  
部左侍郎兼僉都御史任歷京營右都御史

劉應節

部

山東濰縣人嘉靖丁未進士隆慶四年以兵  
部右侍郎兼僉都御史任累加右都御史

楊

兆

陝西膚施人嘉靖丙辰進士萬曆二年以兵部右侍  
郎兼僉都任轉左累加右都御史五年轉南刑尚書

梁夢龍

年

直隸真定人嘉靖癸丑進士萬曆六  
年以右都御史任累加兵部尚書

吳

兌

浙江山陰人嘉靖己未進士萬曆九年以右都御  
史任十年加兵部尚書十月加太子少保回部

周

詠

河南延津人嘉靖壬戌進士萬曆十年以兵部右侍郎兼金匱御史任累加右都御史為民

張佳胤

四川銅梁人嘉靖庚戌進士萬曆十三年以兵部尚書汪紱累加太子太保

王一鶚

直隸曲周人嘉靖癸丑進士萬曆十四年以兵部右侍郎任加右都御史

張國彥

直隸肥鄉人嘉靖壬戌進士萬曆十五年以右都御史任十八年陞兵部尚書兼左副都仍任八月改戎政

塞達

四川重慶衛人嘉靖壬戌進士萬曆十八年以右都御史兼兵部左侍郎任



勅使畿輔侍郎都御史行實

郭敦字仲厚山東堂邑人洪武癸酉鄉舉擢戶部廣西司主事歷河南左叅政永樂十九年以禮部右侍郎巡撫順天等府安恤軍民考察官吏詳戶部尚書

何文淵字巨川江西廣昌縣人永樂戊戌進士擢御史任溫州知府正統五年以刑部右侍郎經理京畿八府荒政多得賑濟之法詳吏部尚書

魏驥字仲房浙江蕭山縣人永樂乙酉舉人除松江訓導歷南太常少卿正統七年畿內飛蝗蔽天人民缺食以吏部右侍郎出撫設法緝捕民始安生本年事竣還部詳南京吏部尚書

薛希璉字廷器浙江麗水縣人宣德庚戌進士授貴州道御史  
正統八年畿內廣平等府旱蝗以刑部右侍郎往視至則黜賊  
吏蠲逋負弛徵輸嚴令捕之蝗乃息是月大雨苗復蘇詳南刑  
部尚書

虞祥字仲禎直隸崑山人永樂辛卯鄉薦授訓導歷通政司叅  
議正統九年以兵部右侍郎巡畿甸荒政措置有方詳兵部侍  
郎

李奎字江西弋陽縣人永樂辛卯鄉薦授教諭歷大理寺  
丞巡撫河南正統十年以大理寺右少卿賑濟畿輔本年致仕  
卒

張楷字式之浙江慈谿縣人永樂甲辰進士拜江西道御史正統十二年畿內蝗災以都察院右僉都御史捕蝗授法郡邑按行之蝗息本年回院

王茲字公度陝西河州衛人正統己未進士任戶科給事中十四年以左僉都御史出鎮居庸時邊兵訕訕以大義諭之始定本年回院

王暹字景陽浙江山陰縣人永樂戊戌進士授刑部主事歷陝西右布政正統十四年以右副都御史守正陽門嚴飭備禦虜不敢近軍民聚城下者萬計啓西直門放入悉賴存活尋勅安撫順天等府及鎮守山陵築立城堡統軍勦賊奏罷被賊

郡縣歲課物料民安之本年回院詳河南巡撫

羅通字學古江西吉水縣人永樂壬辰進士擢御史正統十四年以右副都御史鎮守居庸關尋勅總邊務設方略自當一軍鼓行而前深入沙漠北虜遁去詳都察院左都

陳詢字汝同直隸華亭人永樂戊戌進士景泰二年以大理寺右少卿巡視大名諸郡詳國子監祭酒

周瑄字德孚山西陽曲人宣德乙卯舉人正統甲子授刑部江西司主事景泰五年以刑部右侍郎賑濟順天河間民饑二府素無蓄積又連遭大水乃條奏八事一裁冗官二停當歲糧苗三添減軍士糧草如舊四免追久負馬騾牛羊五暫罷柴炭夫

役六皇莊湖泊之利恣民采取七招商中納鹽糧損其斗數八  
借水次官粟濟民部不能皆從而招商借粟尤以爲難上聞  
詔從瑄議又具牛種以便民時亢旱苗稿瑄行部至武清懇告於  
神是夕大雨明日至滄州致仕尚書馬昂謂曰昔有御史雨今  
爲侍郎雨矣是秋大熟詳南京刑部尚書

鄒幹字宗盛浙江餘杭人正統己未進士授兵部職方司主事  
成化二年以禮部左侍郎撫安畿內許便宜行事詳禮部

項忠字盡臣浙江嘉善人正統壬戌進士授刑部主事歷官右  
副都御史成化六年以都察院右都御史巡視順天河間水平  
水災忠發官廩又勸分得米十六萬五千石銀布牛各萬餘金

活其衆詳兵部尚書

葉盛字與中直隸崑山人正統乙丑進士授兵科給事中歷左僉都御史成化六年以吏部右侍郎巡視真定保定二府饑荒推仁布德鋤削豪強賑恤貧困綏輯流亡訪先賢古跡歲久湮沒者修葺之既還復命賑濟京民之貧者全活甚衆詳吏部

原傑字子英山西陽曲人正統乙丑進士擢廣西道御史成化七年畿甸大水以戶部左侍郎出巡順天真保等處賑濟流離禁革奸弊摘緝盜賊人民始安詳南京兵部尚書

李衍字文盛直隸隆慶州人景泰辛未進士授兵部主事歷巡撫河南右副都成化十六年以戶部右侍郎巡視山海關整飭

兵備置床子弩一萬五千可射三百餘步又設飛石飛木可發五七十步者各數十萬削山坡成峭壁數百里歸以圖進 賜鈔貫詳總儲尚書

何喬新字廷秀江西廣昌人景泰甲戌進士歷湖廣右布政陞巡撫山西右僉都成化十九年以刑部左侍郎巡邊相險阻築城堡簡精壯礪器械爲守禦計嘗諜知虜營多老弱欲擣之會虜潛遁不果詳刑部尚書

叢蘭字廷秀山東文登縣人弘治庚戌進士弘治十五年以通政左叅議經理紫荆等關塞溪隧起敵樓增戍兵易將領諸固守計邊人賴之詳南京工部尚書

李鏐字時器河南湯陰人成化壬辰進士歷光祿卿弘治十七年以工部右侍郎備虜密雲鏐首簡將次廣儲治壁壘飭器械守險隘梁溝澗開荒田舟河流罔不備具上喜謂司馬劉大夏曰鏐果善幹國者乙丑夏還詳工部尚書

馬中錫字天祿直隸故城人成化乙未進士拜刑科給事中弘治八年以大理寺左少卿閱實居庸紫荆及倒馬諸關正德六年以右都御史討劉七楊虎等戰於彰德泊頭皆敗之晉左都數月賊自山西還破棗強勢張甚中錫知不敵單車抵賊壘諭之衆欲降會探知權幸無招降意因大掠錫以玩寇下獄

韓杲字

山東蓬萊人弘治丙辰進士正德四年以御史督



捕羣盜立什伍連坐之法摘獲無虛日陞大理寺丞五年以功陞右僉都御史專督捕盜本年下獄六年再起捕盜尋改撫保定詳宣府

王瓊字德華山西太原人成化甲辰進士授工部主事歷督理鹽法右副都正德六年以戶部右侍郎兼左僉都賑恤畿甸山東地方詳吏部尚書

石玠字邦秀直隸藁城人成化丁未進士授汜水知縣擢御史歷巡撫大同右副都正德八年以兵部左侍郎兼右僉都往諭遼東諸夷玠宣布威德卽相率歸服使還詔廕一子爲國子生詳戶部尚書

趙璜字庭實江西安福人弘治庚戌進士授都水主事歷巡撫山東右僉都正德十二年以工部右侍郎兼僉都整飭順天等府武備罷斥曠廢舉謀勇將領計捕陰庇宿寇權貴以戢內梗軍容於是整肅又設法賑濟活饑孺甚衆十二年還部詳工部尚書

李瓚字山東濮州人弘治丙辰進士正德十二年任巡撫保定右僉都御史十四年以左副都御史經略居庸山海二路邊關十六年改工部侍郎督河道詳戶部總儲

胡守中字伯時河南寧陵縣人嘉靖壬辰進士授刑部主事

改御史又改左春坊清紀侍書

年陞都察院右僉都

御史兼詹事府丞  
轉左副都御史二十年陞兵部右侍郎  
兼右僉都經略畿輔居庸等關邊備侵剋官銀擅伐陵木木  
年下獄典刑

薊遼總督行實

何棟字伯直陝西西安府長安縣人正德辛巳進士嘉靖十年  
任太僕寺卿十一年改右僉都御史巡撫大同地方十二年降  
一級調叅議罷職二十九年以備虜患起僉都御史本年陞兵  
部右侍郎兼僉都御史總督薊遼軍務以本鎮選練未完始奏  
調邊兵二枝分擺三十一年以軍功陞都察院右都御史仍前  
任三十二年閑住

楊博字惟約山西蒲州人嘉靖己丑進士授兵部職方主事歷  
郎中陞山東提學副使二十五年陞巡撫甘肅右僉都二十九  
年丁憂三十二年以兵部左侍郎兼理團營本年以原官兼左  
僉都御史總督薊遼軍務至則擇守令易將領停寄牧創墩墾  
增管成補軍器處月糧疏重昌平廣昌以奠陵寢固唇齒修  
理潮河川馬水口并鎮邊長峪橫嶺三城論練主兵爲根本調  
客兵爲權宜兵不在增而在於練馬不在加而在於養乞督邊  
臣以圖實效尋晉右都御史兼兵部右侍郎三十四年陞兵部  
尚書三十五年丁憂三十七年起太子太保兵部尚書總督宣  
大三十八年再任薊遼詳吏部尚書

王忬字書應直隸太倉州人嘉靖辛丑進士三十年任巡  
東右僉都御史三十二年以右副都御史巡撫大同三十四年  
陞兵部左侍郎兼左僉都御史總辦遼軍務三十五年以軍功  
加右都御史仍前任三十八年下獄典刑

許論字廷議河南靈寶縣人嘉靖丙戌進士六年授順德府推  
官十年陞戶部山東司主事本年調兵部武選司主事十一年  
養病十二年補職方司主事十三年丁憂十六年補禮部祠祭  
司主事十七年陞主客司員外郎十八年陞本司郎中十九年  
陞南京光祿寺少卿二十一年陞南京大理寺右寺丞二十二  
年任巡撫順天右僉都御史整飭薊州邊備二十三年陞右副

都御史仍照舊巡撫本年養病三十九年以原官巡撫山西三  
十三年陞兵部左侍郎協理戎政尋以原官兼左僉都御史總  
督宣大軍務本年以軍功陞右都御史三十四年陞兵部尚書  
三十七年以給事中吳時來劾其與宣大侍郎雷同附和上  
謂論欺朕事玄不視朝乃爾推官汪冒令章職三十八年起總  
督薊遼軍務四十年回籍聽勘四十一年給事中鄧棟奉詔  
查覈薊鎮盡得官吏侵牟之數言其調度失策令閑住

楊選字以公山東濟南府章丘縣人嘉靖甲辰進士歷

三十七年以右僉都御史巡撫大同本年丁憂三十九  
年復以原官撫大同四十年陞兵部右侍郎兼右僉都御史總

督薊遼四十一年條陳邊政舊規當復者四事一建昌營遊兵  
宜照原策應一黃花鎮京營兵宜更番戍守一牆子嶺軍士不  
宜掣回一直隸衛所赴邊軍仍宜都司統領部覆從之尋以遼  
東之敗給事中張益論之奪俸一月十二月選言近日各邊姦  
夫猾卒往往求嚴將之短浮言惑聽甚則入衛之兵自負客兵  
貌視抗衡請嚴造謗之誅重間外之權主客一體訓練有梗令  
者治以軍法防守之卒於各區牆外扼塞之地宜相機設伏潘  
家喜峯口外有深河宜增堡牆置臨河敵臺又言順天撫臣宜  
與糧餉自今主兵糧餉責之管糧郎中收放客兵糧餉責之兵  
備道召買積之郎中每月出入揭報巡撫年終會計主兵則郎

中巡撫同疏客兵則督撫同疏在釐之際彼此磨勘仍於巡撫  
勅書添載催徵屯糧事宜疏下所司議覆從之四十二年五月  
朵顏夷捉去古北口哨卒四人俄而夷酋通漢叩關索賞副總  
兵胡鎮伏兵執之并縛其黨十餘人通漢子懼權原捉哨卒夷  
病老虎者至請易其父選以通漢係虜酋辛愛妻父欲因以牽  
制辛愛乃縛病老虎數其罪併原縛夷俱釋之要令將諸子更  
迭爲質馳疏以聞自詡方略部議以爲良策隨有銀幣之賜選  
又言近革山東民兵以通州營兵抵補其食糧月止八斗宜照  
邊軍例增給卽以山東解到民兵銀內歲支三千兩永爲定額  
從之十月虜擁衆白疇子嶺磨刀峪潰牆入犯京師戒嚴虜大



掠順義三河等處分兵圍下店諸將於鄭官屯胡鎮趙溱孫臏救之虜騎圍鎮等數重臏溱戰死鎮潰圍出給事李瑜論之

上怒逮選獄伏重典

劉燾字仁甫直隸天津衛人嘉靖戊戌進士三十八年任巡撫福建右僉都四十年聽調四十二年以巡撫大同都察院右僉都御史改任時廷議更大將處將領嚴薦舉酌任使舉廢遺明體統練主兵練鄉兵裕糧餉處口外議邊吏處三衛等事

上命燾從實舉行四十三年正月以禦東虜土蠻黑石炭等功陞兵部右侍郎兼右僉都御史仍舊總督初薊遼總督既移駐密雲歲用漕糧十餘萬悉由通州陸運至牛欄山轉輸頗勞費燾

發卒疏潮河川水達於通州更駕小舟轉輸直抵本鎮大爲便利省僦運費十之七 上嘉之賞銀幣四十四年燾奏古北墻子石塘三路今歲開荒地六千三頃收子粒六十七百六十餘石宜通行各邊一體舉行因叙總兵等功 上各賞之四十五年以軍功加右都御史仍前任隆慶元年聽勘詳兩廣總督